

ابكر بلا يگولون ظل محصور بهله واخوته
ماله ناصر يا (حبيب) وعنده أطفال وحررم
ترضى ليا بالخدر و(حسين) تسبى نسوته
انجان ما تنهض بهمه وتطب ذيج المعمه
وظل حبيب ايعاين لها وغصب هلت دمعه*

(يا حبيب) ابن البتولة لا تخلي نصرته
ابكر بلا يگولون شيل المرتضى حط الخيم
وچان راح (حسين) ما يرتفع للشيعه علم
وگفت انتخي وتخمش للخدود مفزعه
جيب لعمامه يبن عمي وخذ هالمكعنه

أنا عبد ابن الرسول وعبد أمير المؤمنين
من سمعت اللي جرى بكر بلا خيم احسين

صاح بطلي من الونين وبطلي من هذا الحنين
ذاب كلبى وانفري والدمع مني جرى

حاطته بسيوف وارماح وهنادي
نصرته غاية فؤادي وكل مرامي

أسمع يگولون جيمان الأعداي
وانا عازم انصره بروحي ودمي

وانظر يجيني من بو اليمه لكتاب
حاير يهل دمعه وبخدوده سجاب

خضابي من ادمومي ما اريد انا خضاب
ولمن طلع لاگى (مسلم) بلسواگ

همه بالمخنه يطول كاتم الأمر المهول
تمشي في حيره وجل وانته في همك تجول

بالسكك يمشي زهول حاير ودمعه سيول
كله خبرني اشحصل دمعك بعينك همل

كلبي انشعب والله ومتعالي لـونين
لموا عساكرهم والمكصد احسين

كآله يبن عمي ياآرة العين
هالكوفة غدارة وبس مستعدين

دارت اعليه الملا وأنه رايد أوصله
إدعي ربي يسلمه وتنستر هالعائله

وابو اليمه بكر بلا بين اصحابه وهله
عاف دوره مظلمه وبها لبرور احتمى

لازم لراضى كـربلا نتعنلى
وبها الشهادة نسعد ونتهنلى

كآله حبيب النوح ما ينفعنا
نفدي ابو اليمه بجاري دمننا

يشفع لنا بالمحشر من بعد هاي النصره

هذا وديعة حيدر وامه البتوله الزهره

وطاعة يزيد وعصبته مرفوضه
هاي الجنان ابوابها معروضه

هذا الإمام وطاعته مرفوضه
واجب علينا نصرته يا (مسلم)

وكل المنى والغايه بس نندفن بجواره

ونلتحق وي انصاره ياالله نسافر ياالله

مثل تكله امحيره تجري المدامع هامره
شنهو في بالك وشنهو في خيالك تنظره
خاييف ودغات كلبني بالالم منقطره
ويختلط دمي بدمه ساعة اللي انصره

ياجواد شبيك تصهل شالي صار وشلجري
ياجواد امدنگ براسك تحمحم بالالم
انه مثلك حايير وربني يعاين حيرتي
ومثلك اتمني أفدي الروح لحسين الغريب

كربلا تشفي الغليل وبها يتداوى العليل
لسرجك كبل المغيب وارتحل في جنح ليل

كافي من هذا الصهيل مثلك اعيوني تسيل
وإذا ما يلفي (حبيب) وينصر بروحه الغريب

ومهجته تلهب دمي بهجمرة النار
بنصرتك فازت عبيد وخابت احرار

زفر باهاته (حبيب) ومدمعه نار
الله يا بو اليمه يا كهف الحيارى

وبداخل افاده سويل المواجه
ومن فاتته النصر يعرض الأصابع

وظل يصفك اچفوفه ويهمي المدامع
اصبح منى العاشك هاي المصارع

تريد ترحل كربلا؟ وتنذبح في هالغلا
أفدي روحي ومهجتي إلى سادات العلا

نادى عبده وسايه والمدامع سايه
جاوبه هي منيتي كل مرامي وغايتي

لوجه الله اعتقتك عين الله ترعاك
خذي الحرب خذي يا عمي ارجاك

يا عبدي (يمبارك) روح الله ويك
لن عبده اينادي تسلم لي عينك

ونادى يا حامي اللوا كصدي ارحل نينوى
غايتي وكل ما أريد كربلا لجرحي دوا

والكلب فايض جوى انصر احسين الشهيد
أفدي روحي والوريد

حلو الشاميل للمنايا عازم
وبمقدمه طلعت له صفة هاشم

وصل فيافي كربلا وي الخادم
يصهل نجيبه وبيمينه الصارم

نادوا هلا بالغالي صاحب ابونا حيدر

عباس حامي الخدر يستقبله وي الأكبر

وسالت ادموعه اعلى الوجن همايه
بيدك ترفرف عالملازم آيه

ناول ابو اليمه (حبيب) الرايه
هالرايه مذكوره الك ياعمي

في المعركه ينشرها وبزنوده ايباريها

لا يچف راعيها ماتلى هاي الرايه

وبيده الصارم يلوح وعينه ترسم غضبته
يصرخ بصوته وينادي الموت حانت ساعته
عيدي بهاي الحرييه ومنى گلبي وغايتيه
ولبو اسكينه ترخص الاعمار كلها لنصرتيه

عيشه ماليها اريد والمنى اگضي شهيد
بلا حساب ولا عدد والدماء تروي الصعيد

والمنى بس يختلط دمك بدمنه
احنه انصارك وهذا كل حلمنه

تناول الرايه (حبيب) الله ياهي رايتيه
گصد أرض المعركة وكل الأعادي سمعته
عايف أيامي وحياتي والأهل ويا الوطن
وتشهد ابطال الحرب مثلي فلا يهاب الردى

مثلي ميبايع يزيد وعيشة الذل والعبيد
خل يگطعون الجسد وراسي يفريه العمد

والله ما افارگ جمالک يا بو سکنه
والله کاسات الردى بس تحلى وياک

وروى الثرى سليفه بدم المعادين
قلل كتبايهم لشمال وليمين

بعزمه هالعسكر حوى وبمنه يتلوى الجوى
(وبن سعد) وي عسكره بصدى صولاته هوى

بغضباته مرعوبه العدا وياهي غضبات
نرکع ولا انبايع سليل الضلالات

وچم جنازه معطله وماج وادي كريله
غضب ما يشبه غضب والملا تشهد إله

هز اللوا مغضب (شيخ القرايين)
مثل الأسد هايچ ظل يحصد الروس

والله من هز اللوا والثرى بسيفه ارتوى
هالحماسه الهادره چنها صولة حيدرته

نار الفراسه تلوح من عينه جمرات
دمدم على الشوس وصدى صوته هيهات

سوا فيهم زلزله چم اصابه ومقتله
ما توانى وارتهب راوى هالگوم العجب

نال التعب منه وحاله صعبه
ومن صهوة احصانه هوى عالتربه

(بو سكينه) حاير يمه ويشكي احواله وهمه

فزت بجوار المصطفى والأصحاب
وفي الجنه موعده يشيخ الأطياب

واعذر منها ابشده لني عفير امترَب

ضامي الكلب ما ضاگ حتى شربه
لن الرجس سد بگلبيه الحربه

بالترى عافر جسمه ينزف يحسره دمه

نايم حبيبي يا (حبيب) بلتراب
ارسل سلامي لحيدرة داحي الباب

صد للغريب ونادى وصل سلامي (لزيب)